
Pregled Dokumentata| Broj 79/07

Početna (/) / Dokumenti (/Docs/) / Službene novine Federacije BiH (/Docs/Drzavni)
/ Dokumenti pregled

Službene novine Federacije BiH, broj 79/07

Na osnovu člana 44. Zakona o sjemenu i sadnom materijalu šumskih i hortikulturnih vrsta drveća i grmlja ("Službene novine Federacije BiH", broj 71/05), federalni ministar poljoprivrede, vodoprivrede i šumarstva donosi

PRAVILNIK

O OSNOVNIM ZAHTJEVIMA O KVALITETU ŠUMSKOG I HORTIKULTURNOG SADNOG MATERIJALA

Član 1.

Ovim Pravilnikom se propisuju osnovni zahtjevi o kvalitetu šumskog i hortikulturnog sadnog materijala.

Član 2.

Pod kvalitetnim sadnim materijalom podrazumijevaju se jednogodišnje i višegodišnje sadnice lišćara i četinara iz člana 3. Zakona o sjemenu i sadnom materijalu šumskih i hortikulturnih vrsta drveća i grmlja (u daljnjem tekstu: Zakon), koje su zdrave i neoštećene, dobivene generativnim ili vegetativnim putem a koje zadovoljavaju uvjete predviđene važećim propisima i standardima.

Član 3.

Kvalitet sadnog materijala se utvrđuje na osnovu kvantitativnih i kvalitativnih pokazatelja sadnica i njihovog zdravstvenog stanja prije vađenja sadnica u rasadniku.

Član 4.

Kvantitativni pokazatelji kvaliteta sadnog materijala su prečnik na vratu korijena sadnice i dužina nadzemnog dijela sadnice.

Korijenov vrat sadnice je dio sadnice gdje podzemni dio (korijenov sistem) prelazi u nadzemni (stabalce).

Dužina nadzemnog dijela sadnice mjeri se od vrata korijena do vrha terminalnog pupoljka.

Na osnovu prečnika na vratu korijena i dužine nadzemnog dijela, po važećim propisima i standardima sadnice se svrstavaju u dvije kvalitetne klase.

Član 5.

Dimenzije prečnika korijenovog vrata i dužine nadzemnog dijela sadnica utvrđuju se na sadnicama uzetim metodom slučajnog uzorka iz rasadnika.

Član 6.

Sadnice koje, pored ostalih zahtjeva zadovoljavaju kriterije prve i druge kvalitetne klase mogu se staviti u promet.

Izuzetno od stava 1. ovog člana u promet se mogu staviti sadnice koje ne zadovoljavaju kriterije prve i druge kvalitetne klase a koje imaju dobro razvijen i voluminozan korijenov sistem sa mikorizom.

Član 7.

Sadnice sa mikorizom se mogu staviti u promet po prijedlogu ovlaštene institucije za kontrolu sadnog materijala a na osnovu izdanog uvjerenja.

Član 8.

Kvalitativni pokazatelji kvaliteta sadnog materijala su:

- izražena osovina stabla sa jednim terminalnim izbojkom,
- zreo terminalni pupoljak,
- pravilno razvijen korijenov sistem,

- korijenov sistem sa velikim udjelom korijenovih dlačica,
- korijenov sistem sa mikorizom,
- dobar vitalitet,
- prirodna boja četina (kod četinara).

Član 9.

Sadnice moraju biti zdrave bez prisustva štetnih insekata i fitopatogena i bez vidljivih oštećenja od insekata i fitopatogena i oštećenja nastalih od drugih abiotskih i biotskih faktora.

Član 10.

Ako je fiziološko stanje sadnica zbog nepravilnog manipulisanja sadnicama loše, provodi se ispitivanje fiziološkog stanja sadnica pomoću, Šolander aparata. Na osnovu fiziološkog stanja sadnica sadni materijal se stavlja odnosno isključuje iz prometa.

Član 11.

Iz prometa sadnim materijalom se isključuje sadni materijal na kome se evidentiraju slijedeći nedostaci:

- sadni materijal sa mehaničkim povredama koje nisu nastale podsijecanjem korijena ili nadzemnog dijela sadnica,
- djelomično ili potpuno suhe sadnice,
- sadnice sa više izbojaka,
- nepotpuno odrvenjele sadnice,
- sadnice sa oštećenim vršnim pupovima,

- nepotpuno grananje sadnice ili ono uopće ne postoji,
- oštećenje iglica na sadnicama naročito iglica iz zadnjeg vegetacionog perioda,
- sadnice sa oštećenim vratom korijena,
- sadnice sa urolanim korijenovim sistemom,
- korijen bez finih korijenovih dlačica,
- sadnice sa oštećenjima od štetnika,
- sadnice sa oštećenjima nastalim nepravilnim lagerovanjem sadnica u hladnjačama.

Član 12.

Ovaj Pravilnik stupa na snagu narednog dana od dana objave u "Službenim novinama Federacije BiH".

Broj 07-02-140-1/07
oktobar 2007. godine
Sarajevo

Ministar
mr. sci. **Damir Ljubić**, s. r.

Hvala što ste naš pretplatnik. Koristite pogodnosti koje dobijate pretplatom.

O nama

Adresa

Kontakti

Javno preduzeće Novinsko-
izdavačka organizacija SLUŽBENI
LIST BOSNE I HERCEGOVINE. Sva
prava pridržana. 2014

Džemala Bijedića 39/III
71000 Sarajevo
Bosna i Hercegovina
Email: sllist@sllist.ba
(<mailto:sllist@sllist.ba>)

Centrala

Tel: 033/722-030
Email (<mailto:info@sllist.ba>)

Uredništvo

Tel: 033/722-038
Email (<mailto:urednistvo@sllist.ba>)

Pravna služba

Tel: 033/722-051
Email (<mailto:info@sllist.ba>)

Računovodstvo

Tel: 033/722-045, Fax: 033/722-046
Email
(<mailto:racunovodstvo@sllist.ba>)

Pretplata

Tel: 033/722-054
Email (<mailto:pretplata@sllist.ba>)

Ekspedit

Tel: 033/722-041
Email (<mailto:info@sllist.ba>)

Prodaja

Tel: 033/722-079
Oglasni odjel Email (<mailto:info@sllist.ba>)
Tel: 033/722-049 i 033/722-050, Fax:
033/722-074
Email (<mailto:oglas@sllist.ba>)

Tehnički sekretar

Tel: 033/722-061, Fax: 033/722-064

Ured direktora

Tel: 033/722-061

Komercijala

Tel: 033/722-042

2014 © JP NIO Službeni list Bosne i Hercegovine. Sva Prava Pridržana.